



暗戀的苦湯

真正的戀愛是啥物滋味？聽人講是酸甘甜仔酸甘甜。阿俊仔足想欲試看覓咧，毋過，想罔想，到這馬連一个影都無。自高中出業到今，欲二十外冬矣，就佇這間鞋仔廠食頭路，對師仔汰甲變師傅，做工課認份拚勢閣頂真，予頭家呵咾甲彼片去。毋過個性閉思閣頂顚講話，歲頭食甲三十外仔外矣，猶毋捌交過半个查某朋友。序大人叫媒人安排幾若擺相親，攏予人嫌傷閉思、喙水糲，行無佬久就無消無息矣。

舊年工廠新來一个真好笑神的查某人，白肉白肉，喙目鼻仔誠幼秀，拄好分派佇俊仔這個部門。寢頭俊仔叫一个老鳥共伊牽教，想袂到阿秀跤手伶俐，無三個月就上手閣做甲誠四序。阿秀勤快閣好喙水，恰人接接攏笑微微，某乜兄、某乜姊仔，真緊就恰逐家有講有笑。拄開始俊仔三不五時干焦小可仔去眼一下爾，毋知對當時開始，定定無意無意就逕去阿秀附近，若看著伊做袂去就出手鬥相共。阿秀若猶無熟的所在，伊嘛憑頭仔共教，阿秀感覺師傅做人蓋好真照顧逐家。

上班對俊仔來講，一工過一工、一冬閣一冬親像攏全款，毋過，毋知對當時開始，上班變做一層予人歡喜閣期待的代誌。毋管工課佬無閒、做甲佬爾忝，若想著會使看著阿秀的面、會當聽著伊的笑聲，就敢若食著嗎啡全款，連鞭就精神飽滿。俊仔聽人講阿秀前年恰個翁離緣，係一个讀國校仔的查某罔踹佇後頭厝。俊仔毋甘伊一个人含一个囡仔艱苦過日，對阿秀那來那照顧，不時去伊遐巡頭看尾，毋過，一句加話都毋敢講。

後來，下班的時，不時看著一台紺色的自家用的停佇工廠大門口，駛車的是一个差不多四十插仔的查埔人，查查仔就變做逐工載阿秀出出入入，兩個人閣那講那笑。本成逐工攏滿面春風的俊仔，變做敢若消風的雞胗仔全款，無魂有體，規个人消瘦落肉。

聽人講暗戀是一層真痛苦的代誌，俊仔食甲遮濟歲才嚇著暗戀的苦湯，想袂到會遮爾苦澀、遮爾拈味，予人強欲吞袂落去。

作者：林如卿

☆詞彙學習☆

【汰】thuā：又唸作 thài。受到他人或環境的影響而學習或改變。

【喙水】tshuì-suí：口才。

【好笑神】hó-tshiò-sîn：形容人神態愉悅，經常面帶笑容。

【接接】tsih-tsiap：接洽。

【眼】gán：瞄、看一下、過目一下。

【含】kânn：帶著、帶在身邊。

【紺色】khóng-sik：深藍色、蔚藍色。源自日語。

【自家用的】tsū-ka-iōng--ê：又唸作 tsū-ka-īng--ê。指自家轎車；私人使用的。

【雞胗仔】ke-kui-á/kue-kui-á：氣球。

【消瘦落肉】siau-sán-lòh-bah：消瘦、面黃肌瘦。

【拈味】kèh-bī：因為摻合不同食材，造成味道彼此不相合。